

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
KANTONALNO TUŽILAŠTVO  
ZENIČKO – DOBOJSKOG KANTONA**

**Broj: T04 0 KTKK 0057168 24  
Zenica, 09.04.2025. godine**

**OPĆINSKI SUD U TEŠNJU  
Sudija za prethodno saslušanje  
TEŠANJ**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

**OPTUŽNICU**

**Protiv:**

1. **G. N.**, , *osuđivana osam puta u periodu od 2019 do 2022. godine,*
2. **Z. T.**, , *osuđivan,*

**Što su, zajedno sa još jednom NN osobom,**

Dana 06.02.2024. godine u vremenskom period od 10,00 do 11,00 sati, na području općine T., s ciljem pribavljanja protupravne imovinske koristi, dovezli se sa PMV marke Peugeot registarskih oznaka ... kojim je upravljao Z. T. do marketa "M." u ulici B., gdje su G. N. i njima poznata NN ženska osoba, po ulasku u market, prišle oštećenoj S. B. koja je razgledala artikle na polici i sa istom započele razgovor da bi iskoristile nepažnju oštećene i iz njene torbe uzele novčanik u kojem se nalazio novac u iznosu od 150,00 KM, bankovna kartica, lična karta, fotografije i 100 slovenskih tolara, iako su bile svjesne da se radi o tuđoj stvari i da njenim prisvajanjem sebi pribavljaju protupravnu imovinsku korist, što su i htjele, nakon čega su se udaljile iz objekta i potom Z. T., koji ih je za to vrijeme čekao u vozilu, predale otuđeni novčanik iz kojeg su prethodno izdvojile i prisvojile novac u iznosu od 150,00 KM i bankovnu kanticu, nakon čega se Z. T. najprije navedenim vozilom uputio prema mjestu M. i pored puta odbacio novčanik, a zatim se vratio u T. po G.N. i njima poznatu NN žensku osobu da bi se potom svi zajedno odvezli u mjesto B., gdje je G. N., s ciljem pribavljanja protupravne imovinske koristi, zloupotrijebila prethodno otuđenu bankovnu karticu oštećene S. B. na način da je, u pratnji njoj poznate NN ženske osobe sa bankomata ... koji se nalazi na objektu B. neovlašteno podigla novac sa računa oštećene u iznosu 410,00 KM dok ju je u neposrednoj blizini čekala njoj poznata NN ženska osoba, nakon čega su se svi zajedno odvezli u mjesto T., gdje je G. N., i dalje u pratnji njoj poznate NN ženske osobe, sa bankomata koji se nalazi na objektu "M." neovlašteno podigla novac sa računa oštećene u iznosu od 200,00 KM, pribavivši sebi imovinsku korist od 760,00 KM i oštetivši na taj način B. S. za navedeni novčani iznos.

**Dakle, G. N.** zajedno sa NN osobom tuđu pokretninu oduzeli drugom s ciljem da njenim prisvajanjem pribave sebi protivpravnu imovinsku korist i neovlašteno unijeli računalni podatak koji je uticao na ishod elektronske obrade podataka s ciljem da sebi ili drugome pribave protupravnu imovinsku korist i time drugome prouzrokovali imovinsku štetu, a **Z. T.** im u tome pomogao

**Čime su, G. N.** zajedno sa NN osobom počinila krivično djelo krađe iz člana 286. stav 1. u vezi sa članom 31. KZ F BiH u sticaju sa produženim krivičnim djelom Računalna prijevarena iz člana 395. stav 1. u vezi sa članom 31. KZ F BiH, sve u vezi sa članom 54. i 55. KZ F BiH, a **Z. T.** počinio krivično djelo krađe iz člana 286. stav 1. KZ F BiH u sticaju sa produženim krivičnim djelom Računalna prijevarena iz člana 395. stav 1. KZ F BiH, sve u vezi sa članom 54. i 55. KZ F BiH i 33. KZ F BiH.